

ШАРКАН КОММУНА

ВКП(б)-лэн Шарканской райкомезлэн но райсовет-лэн органзы

Дуныз 5 копейка ■ Редакциялэн адресэз: Шаркан село, Советской ульча, сельисполкомтэн юртэз. ■ 9-ти арзэ потэ

Общественной пудо вордонлы большевистской саклык

„Колхоз'ёсын общественной пудо вордонэз будэтон ужрад'ёс сярысь“ партилен но правительстволэн постановленизы потэм дырысен 14 толэзь орчиз ни. Районысьтымы колхоз'ёсысь партийной но не-партийной большевик'ёс та дыр куспын общественной пудо вордонэз жутон'я бад'зым уж лэс'тызы. Нуналмысь будэ фермаослэн но фермаосысь пудоослэн лыды.

Общественной пудоез партилен но правительстволэн 8 июле 1939 арын постановленизы будэтон понна, пудоослы умоезь условиос кылдытэм кулэ, тужгес ик толалтэ азе. «Красный партизан» колхозлэн правлениез (председателез Ельнов эш) пудоосты толйытон азе дасяськонлы бад'зым саклык вис'я. Толалтэ азе парсь гид конопатиг карыса но тдымса дасямын ни. Али колхоз толалтэ азе вал гид но скал гид дася. Со сяна тыло - бурдо фермалы помещение дася. Та колхозын 4 ферма организовать каремын ни, соос вань фермаосты государственно тупатэм план'я тырмыт комплектовать карон понна нюр'ясько. Районысьтымы та'че пример'ёсты трос шедьтод.

Нош куд-ог колхоз'ёслэн кивалт'ёсысь „Колхоз'ёсын общественной пудо вордонэз будэтон ужрад'ёс сярысь“ партилен но правительстволэн постановленизэс будэстон понна уг сютмасько, пудоосты толйытыны умоезь условиос кылдытымтэ. „Путь Ильича“, Ленинлэн нимыныз нима, „Виль улон“, „Рассвет“, „Удмурт“, Азинлэн нимыныз нима колхоз'ёс кылем

толалтэ азелы но пудоосты толйытыны кулэ условиос өз кылдытэ. Тырмыт сион дасям интые, пудо сионэз колхозник'ёслы люкылйзы. Толалтэ пудо сион окмымтэен мукет колхоз'ёсысь дуно дунын пудо сион бичаллязы, яке пудоос сионтэк үлэменызы уродмылйзы но бырыны шедизы. Та колхоз'ёслэн кылем арын уродэ усемзы татысь кивалт'ёслы урокен өз луы на. Татын туэ но пудоосты толйытыны уг дасясько. Пудо сионэз тус-тас карэ, пудо вордон фермаослэн кивалт'ёсысьлы но старшой конюх'ёслы пудо сион актэн сётэмын өвөл.

Кыквинской, Киварской, Казеской но Быговской сельсовет'ёслэн исполком'ёсы фермаосты укомплектовать каронэз организовать карон интые, общественной пудолэсь йырлыдзэ ичиомытйзы. Та сельсовет'ёсысь колхоз'ёсын пудоосты толйытон азе дасяськон но чидантэм ляб мынэ. Пудоослы выль гид'ёс лэстыон уг мыны, нош вуж'ёсыз туж каллен ремонтываться карисько.

Районной Советлэн 14 сентяб্রে орчем сессиез общественной пудо вордон уж'югдурын тырмымтэосты пусйыса, райсоветлэсь но сельисполком'ёслэсь депутат'ёссэс, пудо вордоньсь вань ужас'ёсты „Колхоз'ёсын общественной пудо вордонэз будэтон сярысь“ партилен но правительстволэсь постановленизэс быдэстон понна нюр'яськонэ өте.

Удмуртилэсь 20 ар тырмонзэ 1940 арлэсь пудо вордон'я планзэ быдэстыса пумитан понна!

Вал'ёсты уг утылто

„Бльшевик“ колхозын жьнынйыз ёрос ужано вал'ёс шуккиськылэмын. Колхозлэн председателез Волков но старшой конюх Корепанов вал'ёсты уг эскерыло. Вал'ёсты сосьыртылсьёс'я но жы'че ужрад'ёс кутылэмын өвөл. Одыгез вал жугса ситэм каремын, со

понна туннэ нуналозь нокин но ответственность улэ кысымын өвөл.

Жоген тол вуоз ни, нош толалтэ азе вал'ёсты пыртон инты но өвөл. Колхозлэн правлениез вал гид лэстыон понна одйг но уг шуг'яськы.

Юферев.

Должностеныз злоупотреблять карыса улэ

Ворошиловлэн нимыныз нима колхозысь ревизионной комиссилен членэз Шахтарев юымтзез дыр'я ноку но аслэстыз ужзэ быдэстон сярысь уг малпалляськы. Нош юэм дыр'яз аслаз должностеныз злоупотреблять карыса,

колхозник'ёсты оло кызыгынгэ но кышкатыса улэ. Алигес вал гидэ мыныса «ныль пöльсы одйгзэ тиледды одно ик судить каро» шуыса кышкаты. Нош ачиз судить карылымын.

Сергеев.



Башкирской АССР-ысь, Архангельской районьсь, Горькийлэн нимыныз нима колхоз-миллионер ньыль животно-водческой фермаос иметь каре (878 ылыс сюрэ пудо, 249 парсь, 340 вал, 293 ыж'ёс). Со сяна та колхозлэн аслаз электростанцияз, звуковой киноустановкаен клубез, вукоез, нюлэс пилён заводэз, хата-лабораторияз вань на. Колхоз нырысетй степенё дипломен наградить каремын. 1939 арын Всесоюзной сельскохозяйственной выставкаын 29 мурт участвовать кариз, та арын—36, соос пöльсь—23 дояркаос.

Снимокы: Скал кыкись орденоносец А. Ф. Дуг. Со бад'зым азвесь мелатен наградить каремын. Дораз „Цера“ кличкао рекордистка скал. Дуг 8 юматэм скал'ёслэсь шор лыдын вераса 4.100 литр йöл басьтыны быгатйз.

ПРИЗЫВЛЭН НЫРЫСЬ НУНАЛАЗ

17 сентяб্রে асьме районьшудо советской патриот'ёслы призыв кутскиз. Призыве лыкт'ёсты шулдыр но умой, плакат'ёсын, лозунг'ёсын чебер'ям призывной участок пумигаз. Татын укага но умой оформить каремын красной уголок. Красной уголокын призывник'ёс быгато шудыны биллиардэн, шашкаен, шахматэн, доминоен но мукет'ёсыныз.

Тани басьтом Голубин призывникез, солэн туннэ кема чоже малпанэз быдэсмиз,—со призывной комиссие пыраса, ивор басьтйз доблестной Рабоче - Крестьянской Красной

Армии ярамон шуыса. Голубин эш аслэстыз шумпотонзэ но волненизэ ватыны быгатытэк комиссиль бад'зым таув каронзэ вераз.

—Ас вылам обязательство басьт'ясько,— шуэ Голубин эш,—луыны дисциплинированной но храброй боецен, защищать карыны асьме родинамес озы, кызы асьме боец'ёс жугиськызы Хасан озеро дорын, Халхин-Голын, белофинн'ёслы пумит ныр'яськонын.

Мукет'ёсыз но призывник'ёс комиссиейсь бад'зым шумпотонэн тырмыса пото.

СССР но Финляндия куспын чугун сюрес сообщение сярысь соглашение гожтэм сярысь ивортон

6 сентяб্রে туэ арын Москваын соглашение гожтэмын СССР но Финляндия куспын чугун сюрес сообщение сярысь. Та соглашениез тупатэмын СССР но Финляндия куспын прямой пассажирской но грузовой сообщение, СССР но Швеция куспын Финляндия пыр груз'ёс нуллон, озы ик СССР-ен арендовать карем Ханко полуост-

ровлэн районэныз чугун сюрес сообщение.

Советской Союз ласянь соглашениез подписать кариз СССР-лэн путей Сообщениос'я Народной Комиссарезлэн уполномочиез'я—Н. Ф. Дубровин. Финляндия ласянь—Финляндилэн путей сообщениос'я но общественной уж'ёс'я министрелэн уполномочиез'я г. Г. В. Янсон но г. Лейтсара.

Черодзэ витьыса улытэк, али ик уж вылын быдэстон борды кутсконо

ВКП(б)-лэн XVIII с'ездэз социалистической льноводство азе задача пуктыз: Куиньметй Пятилетней планлэн берпум ар'ёсаз етйнлэсь-долгунецлэсь урожайзэ гектарлы быдэ 4,6 центнерозь вуттыны, нош мертчанлэсь валовой продукцизэ 8,5 миллион центнерозь вуттыны. Та большевистской программалэсь уж вылын быдэсмейзэ возматэ льноводной колхоз'ёсысь стахановец'ёс.

Етйнлэсь вылий урожайзэ басытыны луэ етйн ужлэсь вань комплексэ быдэстыса гинэ, кулаз пыре етйнэз лыраз но у м о й переработать карон но сое государствоы сётон.

Етйн асьме районын самой доходной культурэ. Солэсь вань уж'ёссэ шонер но дырыз дыр'я быдэсьян колхозник'ёслы бад'зым доход сётэ.

Районыстымы тросэз колхоз'ёс етйнэз август толэе вёлдыны быгатызы, соин соос асьсэлы условие кылдытызы вылий зечлыко етйн мертчан басытыны. Нош куд-огаз колхоз'ёсын (Андан, „Красная горка“ но мукет'ёсаз) та дырозь етйнэз өз вёллэ на. Та колхоз'ёслэн кивалт'ёсысь өз валалэ на етйнэз августэ вёлдонлэсь пайдазэ.

Вылий зечлыко етйн мертчан басытон понна али котькуд колхозын нуналлы кык пол (жытазе но чукна) вёлдэм етйнлэсь вуэмзэ эскерылоно, чтобы вёлдэм етйн ортчыны медаз шедьы. Одыг кадь вуысьтэм етйн'ёсты быр'йыса жутоно. Быр'йыса жутику етйн куроез кузьла-

лаез'я, цветэз'я но вуэмез'я сортировать карыса люкано. Жутэ етйнэз зорымтэ дыр'я пуктылыса куасьтоно, нош куазь зорон дыр'я жутику ик билет улэ тырыса куасьтоно.

Куасьтэм но сортировать карем етйн трестаез 1—1,5 килограмм'ем культоен керттылоно.

Вылий зечлыко етйн 18 номерысен 24 но 26 номерозь но солэсь вы итй переработать карыны котькуд колхозын быгатозы, сортировать карыку но переработать карыку правилаосты гинэ умой былэсь'яно.

Котькуд колхозын етйнэз переработать карыны кутскемлэсь азьвыл план но график лэсьтоно. Трестаез дасянын но сое переработать каронын ужез обезличивать каронэз лэжэно өвёл. Котькуд звено аслэсьтыз урожайысьтыз етйнэз переработать каре, нош кытын ке етйн звеноос өвёл, соосты али ик организовать кароно. Жегатскытэк организовать кароно етйн сётон машинаосты но пункт'ёсты эскеронэз.

Вылий зечлыкен етйнэз переработать каронэз но сое государствоы сётонэз дырызлэсь азьвыл быдэстыны луэз чэшагкыса, стахановской движениез вёлмытыса но со движениен нуналмысь кивалтыса гинэ, трудэз шонер организовать карыса, но уждулэз умой тупатыса гинэ.

Ужлэсь черодзэ витьытэк вань колхоз'ёсын етйнэз переработать карон борды кутсконо ни

Районлэн старшой агрономез ВОЛКОВ.

Наукалэн знаменитой деятелэз

(К. Э. Циолковскийлэн кулэмезлы 5 ар тырмемлы сизбыса).

Константин Эдуардович Циолковский, авианилэн но воздухоплаванилэн знаменитой деятелэз, вордскыз азьло Рязанской губернииыс Ижевском селосын лесничейлэн семьяяз. Скарлагинаен висеменыз дас ар вылти мышыкуз кылэмьсь дуглай.

Со өз дугдыты солэсь пытливей визьмызлэсь развитизэ. Егит Циолковский ас кожаз ортчиз математикалэсь, физикалэсь, высшей математикалэсь но мукет'ёсызлэсь дисциплинаослэсь элементарной курс'ёссэ. Пиналысен ик изобретательство борды кутскиз со.

1880 арысен К. Э. Циолковскийлэн педагогической деятельностиз кутске. Школаын со преподавать каре математикаез. Педагог луаса ог 40 ар'ёс чоже ужаз со. Со почетной ужзэ Циолковский отлично герзалыз научной деятельностью.

Кызь тямьс арескысен Циолковский занимается каре цельнометаллической дирижаблестроенилэн вопрос'ёсыныз. Примерно со дырлы ик пыре Циолковскийлэн межпланетной пространство лобан'я нырысь угчаськон'ёсыз но.

Научной изысканиосаз К. Э. Циолковский аслаз векезлэсь уно дасо ар'ёслы ялан азьло мынйз, разрабатывать но обосновать карылиз технической идеяосты, куд'ёсыз со дыре уноосыныз, даже тедмо ученнойёсын копак фантазиен ляд'яськылызы.

1890 арын К. Э. Циолковский, соку толмогэм провинциальной дышет'ись, цельнометаллической дирижабль сярись аслэсьтыз ужзэ но дирижабльлэсь модельзэ Петербурге ыстыз, Русской технической обществолэн воздухоплавательной отделаз.

Металлысь аэростат лэсьтон принципез отын уш'язы, изобретательлэн расчегэзлэн шэнерлыкэз сярись подтвердит'я карызы, наш идеяез полезнойтэмын ляд'язы, так как „аэростат ялан тёллэн игрушкаениз лумын кылдэмын“.

Озы ке но со өз чигы Циолковскийез. Научной ужзэ дугдыт'яса со кутскилэз изобретательство котыре.

Европанын аэронавты спроектировать карыны но лэсьгыны тургскемзылэсь азьло ик, 1895 арын, „Аэроплан или птицеподобная летательная машина“ нимэ трудэз Циолковскийлэн пэт'из. Циолковский разработать кариз аэропланлэсь теоризэ но лобан машиналэсь схемазэ.

1897 арын туж куанерез шоры учкытэк К. Э. Циолковский аслаз средствоениз нырысьсэ Россиянын аэродинамической трубаез лэсьтыз, кытын али самолет'ёслэн лобан качествазы эскерисько.

Царской Россиянын высокоодаренной ученнойлэч снймаськымон изобретениосыз применение гинэ өвёл, признана но шедьгыны өз быгатэ. Великой Октябрьской революция ваиз солы со признаниез. Социалистической родина вылий дун'яз Циолковскийлэсь труд'ёссэ. Совнарком Циолковскийлэн бад'зым заслугаез понна пожизненной пенсия солы назначигь кариз.

Ученнойлы кылдытэмын вал вань услэвиос солэн деятельностизлы. Циолковскийлэн кивалтэм улсказ умой оборудовать карем лаборатория но помощник'ёслэн - инструктор'ёслэн коллективизы ужаз. Берпум нуналозяз К. Э. Циолковский непосредственной участи кутылиз дирижаблестроенилэсь проблемазэ но расчегэз разработать каронын.

1932 арын Советской страна наукалэн знаменитой деятелэзлэсь 75 арес'ем юбилейзэ пусйиз. Научной заслугасыз понна К. Э. Циолковский наградить каремын вал Трудовой красной знаменилэн орденэныз.

Циолковский кулиз 19 сентябре 1936 арын.

Советской калыклы матын но дуно нимыз выдающейся ученнойлэн. Великой, смелой новатор сярись памятез яратыса со хранить каре. Волков.

Редактор Н. Вахрушев. Поттись РАЙСОВЕТ.

МТС-ёсын выли трудовой дисциплина понна

Кылемез. Кутскопэз 83 номерып.

СССР-лэн Верховной Советэзлэн Президиумезлэсь 26 июне но 17 июле поттэм Указ'ёссэ шонер улонэ пыртон — значит пум пононо прогул'ёслы, ужаны мынонлэсь бере кылён'ёслы, текучестылы но машинно-тракторной станциослэсь ужзэс выжыеныз ик умоятоно. Вераськон мынэ ужазинлыкэз азыланьын жутоны сярись, производстволэсь средстваоссэ — трактор'ёсты, комбайн'ёсты но мукет сельскохозяйственной машинаосты умой уже кутон сярись.

МТС-ёслэн директор'ёсы ужез, учетэз но солы контролез озыы организовать карыны кулэ, чтобы комбайнер'ёслэн, тракторист'ёслэн но МТС-ёсысь мукет'ёсызлэн ужасьёслэн но служащойёслэн вань ужан нуналзы использовать каремын мед луоз вылий

производительностен, чтобы мед жутиськоз ужлэн зечлыкэз но мед луоз быдтэмын брак.

Сое асьмеос быдэстыны быгатом соку гинэ, куке котькуд тракторной бригаданын трактор'ёслы, комбайн'ёслы но мукет сельскохозяйственной машинаослы обеспечить карымы ке технической уходэз, куке со машинаослы относиться карыськам ке бережно, по-хозяйски.

Озы ке но государственной имуществуослы бесхозяйственной, нерячивой отноше ниос шёдскэ на али. Со выллем факт'ёслы МТС ёслэн директор'ёсылэн огшоры учконзы — преступление. Машинаосты урод утылтон, машинаосты уродмытон но тйян, соосты дырыз дыр'я эскерымтэ случайёс быдэсак быдтэмын луыны кулэ. Нош сыче безобразности лэсьтонын янгыше усисьёс ответственность нуыны кулэ.

Директор — машинно-тракторной станциосын полновластной кивалт'ись луэ. Ужлэн но машинно-тракторной парк-лэн состояниез понна со бы-

дэсак отвечать каре. Ужанын беспорядок но бесхозяйственность луэм понна азьло ик МТС-лэн директорезлэсь взыскивать кароно. МТС-ёсын единоначалиез юматонно, машинно-тракторной станцилэн директорезлэсь авторитетэ вылэ жутоно, обеспечить кароно солэсь приказ'ёссэ но распоряжениоссэ быдэсь'явэз.

Преступление лэсьтыло соосыз МТС-ысь директор'ёс, куд'ёсыз соослы сётэм властез быдэсак уже уг куты, прогульщик'ёсын либеральничать каро, кышкало трудовой дисциплинаез насаждагь карыны.

Машинно-тракторной станциосысь директор'ёслы но муз'ем ужысь кивалт'исьёслы кулэ юн тодыны, что Указлэн смыслэз луэ со бордын, чтобы мат'ись дыре быдтыны прогул'ёсты, опозданиосты но кар'ёслэсь текучестысэз, чтобы МТС-лэсь уж'ёссэ пыр-поч умоятыны, жог будэтыны ужлэсь производительностысэз, уже зеч кутыны машинно-тракторной станциослэсь паркэс, резко умоятыны ужлэсь зечлыкэс.